

通許縣志

第一冊

卷之一 輿地志
卷之二 建置志
卷之三 田賦志

新建阮君雲溪命通許之十年政平人和百事以
 舉乃與人與邵君欽五上下議論參考商榷重輯
 縣志十卷既成問叙於余余惟縣令為親民之官
 久於其任則相習相習則如家人婦子痛癢皆得
 周知故忠信之長惠慈之師必需之以歲月然後
 所欲所惡息息相通遂成上安下全之治由是採
 一邑之典故仿國史以成書既熟悉夫山川風土
 之形人物事為之實徵文攷獻棄取精詳因端以

通許縣志

序

竟委循末而知本蓋匪伊朝夕之故矣通許縣在
 開封府東南春秋時為許東偏地漢唐屬陳留郡
 宋建隆初立通許鎮咸平五年即其地置咸平縣
 金大定中始改今名縣境廣輪五十里土地平曠
 無崇山峻嶺之限黃河經流其西間有水患其土
 雅馴而尚禮其民淳朴而務本風俗最為近古
 國家承平百二十有餘年生養休息化臻上理通
 許雖蕞爾小邑比來黃流順軌歲事屢豐在中州

亦頗稱易治先後蒞茲土者不下數十人惟
王應珮安平黃沛治行卓著阮君繼二君後以
術餘更治先其大者後其節目如葺城垣修學校
濬溝渠次第經營民不擾而事成集近又勒成此
書垂諸不朽非所謂靖共夙夜者耶按舊志助於
明嘉靖間我

朝會一再修之今阮君筆削一本史法記載不煩
綱目張舉誠足以信今而傳後矣循是以從政將

通許縣志

序

二

隨所施行無不可者正不獨一邑之賴以安全已
也余故樂觀其成弁數言以告後之君子

嘗

乾隆三十六年歲次辛卯正月下浣中憲大夫知
開封府事峭峨周於智題

續修通許縣志序

邑之有志猶國之有史周禮小史掌邦國之志外史掌四方之志志雖屬于一邑而國史之作基焉王制命太史陳詩以觀民風命市納賈以觀民之所好惡古帝王省方問俗卽井里之盛衰驗政教之得失民隱時艱靡不周察則今郡邑之有志上備

朝廷之採擇下垂奕世之勸懲所關不基重哉我

通許縣志

序

三

國家重熙累洽道一風同遠而重譯款塞來享來王亦且按圖披籍以昭晰其土俗人心矧許爲中邦赤縣屏障汴南烏可使文物典章久而湮沒考通許于春秋時爲許東偏地雖褊小而賢豪輩出名宦醇儒項背相望且士敦古處民樂耕桑有鄒魯唐魏之風固知不煩督責而治易行也曩年數被災稷謀食不給俗稍凌夷邇來歲事漸豐日有起色家詩書而戶禮樂尊君親上之忱孝友睦婣之

誼油然而生間有一二不率之徒示以薄懲亦遽
革其故習婦女多知節義冰蘗清操數難更僕舊
俗惑于巫覡每叩神以邀福禳災爲事龍光於讀
法之期親講

聖諭曉以彛倫聽者莫不首肯是皆由其質性之淳
導之以正則樂趨於正也以故宰此八年桁楊不
事囹圄空虛吏事舒徐民氣和樂急公趨事彼此
爭先濬溝渠修城郭繕文廟葺奎樓以及壇墀祠

通許縣志

序

四

宇次第修舉煥然一新於是邑紳士更願出貲以
修志爲請乃遽而應之曰考文徵獻傳後信今甚
盛舉也舊志修于雍正戊申迄今四十餘年簡編
零落字跡模糊而其間土田日闢人物日增法制
政教之詳詩歌記傳之富倘不補而輯之亦復懼
其散佚無傳數年來有志未逮而諸君子適有同
心其所藉以援據古今以襄治理用彰

熙朝德化之隆者不于此舉見之乎爰捐俸五十金

... 欣然釀金襄之遂... 爲於感...
院長邵葵露先生... 名宿也... 珥筆主稿... 學博...
君峩然分訓王君位南邑孝廉... 負君耀南互相...
訂龍光乘簿書之暇與共商權載筆于己丑七月
脫藁于庚寅四月証誤訂譌芟繁補缺絕偏私之
見存直道之公典而該有體有要後之採風者覽
斯編而一邑之掌故班班具在不可謂非泰山之
壤之一助也

通許縣志

序

王

皆

乾隆三十五年歲次庚寅孟夏上澣之吉

內廷行走文林郎知通許縣事新建阮龍光謹序

邑之有志志一邑也何取乎志一邑曰重民俗也何取乎重民俗曰昭政治也前此無志乎曰有有則此何以志曰續其舊也後此無志乎曰有有則此何以志曰啟其新也然則不虞其軼乎曰軼者收之莫敢廢也然則不虞其散乎曰散者彙之莫敢紊也然則不虞其雜乎曰雜而不越夫何雜也然則不虞其簡乎曰簡而能該夫何簡也凡既備矣而志乃信而志乃成而後邑乃有志予宰汴之通許十年於茲矣始至之日卽嘗披閱其所爲志者而未嘗不惜其久而不修也易象曰風行地

通許縣志

原序

下

上觀先王以省方觀民設教商書曰事不師古以克永世匪說攸聞周書曰學古入官議事以制政乃不迷大雅曰先民有言詢於芻蕘又曰雖無老成人尚有典刑王制曰命太史陳詩以觀民風命市納賈以觀民之所好惡凡此皆言治也卽皆言志也今許之宜志而未及志者前後積三十餘年矣我

國家貽謀燕翼累洽重熙厚澤深仁淪肌浹髓其諸重道崇儒勸農貴粟廣訓萬言數大政所以爲人心風俗計者更史不勝書而中州密邇王化又幸值各上憲推廣皇恩實心實政一切化民成俗之事靡不鼓舞振作嘉與

維新故一庶民鄉僻田婦畊夫皆能向風慕義興起
無窮而吾邑之父老子弟其得沐浴至治歌咏太平相
安於俗吏之拙者亦既匪伊朝夕此之弗志志之弗續
將三十餘年以來之良法美意懿行嘉言旣懼其日久
滋疑無以昭一代之治而後之吏斯邑者政有所未通
事有所不悉奚所規而行焉卽有一二好古之士欲有
所據以心知其意亦不可得其又何以神遊盛世而想
見今日之淳風也哉用是集邑之國子先生鄉之縉紳
學士商所以修厥志者諸君子皆欣欣喜色合詞言曰
善敢不敬蚤夜以求觀厥成而吾邑志之脩於是乎遂

通許縣志

原序

七

决爰假館於學之忠義祠始自仲秋訖於長至凡三十
餘年以來之天時人事土物心臧所見異辭所聞異辭
所傳聞又異辭者無不畢至而予時視事許田奔走道
路間亦從公餘之暇親詣館局與諸君子講求訂正擇
其確乎可據信而有徵者各從其類以附於向來作者
之後共成一書以彰

聖天子之治化著各上憲之旬宣其亦庶幾十年勞吏補
苴罅漏之一端也歟後有作者可以鑒矣集成而諸君
子且于其來前曰是不可以無序予笑而應之曰是
予之贊也夫是予之書也夫

孔子嬭在茲之統推本文王蓋周以前帝王之迹備於
文而列國之蹟莫備於周柱下猶龍氏主藏者孔子誌
焉人知尼父授禮老子不知探柱下而觀史正作春秋
所權輿也以孔子正人心不能外春秋他有所托而春
秋之事取諸史故史者天下之人心出焉治天下之大
權筦焉以天下之蹟不勝窮不博蒐必有所遺覆載之
大可使有暨有不暨乎於是乎明堂臨之輶軒采之象
胥通之萃海隅日出流沙僭耳之士俗人心觀其貞淫
察其得失歸之於大正則鳳閣鸞臺之春華非史而窮

通許縣志

原序

八

簷丸邑耕夫饁婦之起居告語信史也有天下者不可
不治史治史而天下之理得所以治天下因時制宜之
理斯得然天下之大積於郡邑郡邑之事積於閭黨閭
黨之事不及知無問四海矣古帝仁覆天下不外咨虞
兆姓之心唯是簡宅揆以統方岳任方岳以聽庶國而
上之覃敷捷下之聲氣靈四海雖曠無能間之此詢事
考言所以來如神之舉也今人目不覩垣外而觀史則
不下堂已周郡邑之志不上於宗伯不得名爲史而史
必集志以成猶夫製裘聚千狐之毳也周公定鼎土中
侯簡取則焉卽後世而考道問俗思得豫州之風氣也

亟於得八埏之圖書奈降訥以來存焉者寡歲癸巳
令君視許見志乘泯闕卽愀然曰風俗莫備於文憲失
今勿考厥後將奚徵懸賞格重購之未幾有持敗煤故
楮從十舍外獻者嘉靖前志書也假令新志併得君必
哀加近事立較鉞之豈俟今日哉乃歷五閱歲躬自網
羅軼行按訪逸聞旣稍稍集而大中丞徵書之檄旋下
蓋修葺之不容緩令君稔知之早綿蕞之矣爰亟出其
藏禮聘能史人屬之筆削正其彙蕪務質毋綺務直毋
媚務節毋濫務闕所疑毋徇曹所好惡書成一披對問
而繇來之掌故世序之推遷人文物變釐然在目不逐

通許縣志

原序

九

故迹俱湮而隨新圖於鑠者洵良史也牧伯彙而上之
司農府藏之柱下以永新

聖天子同風之化邑乘雖細亦鉅之靡可遺已况忠孝節
烈文采方隅所產而備橫普充塞之氣槩尤難以方隅
限者詎曰許一偏藐之乎哉余任璿列許司訓辱在校
繕因爲令君達意微誦言以序余因樸檄且謝藜室日
久尚安能文俛思之史質事也余唯質言之蓋人都搗
詞貴華而紀事必務實但令是非不買如孔氏卽勸懲
立人心止風俗醇將

彰彰彰輝大權直懸而不試可耳史之關世道豈少哉讀

且竟不禁擊節而興嘆曰善夫賈子之爲是也

通許縣志

原序

嘉靖辛丑歲余承乏通許既視篆卽欲稽往哲之遺化觀今日之民風訪邑志則缺焉一日試諸生于庠而策問之則亦漫然于答也後訪得遺藁乃正德間邑人韓君玉所纂而李崆峒先生所筆削者也書未脫藁而韓君歿事遂寢歷年旣遠不無掛漏之失况當補續者尙多於是聘本邑張君公薦劉君五崑重加考証而復益以舊聞及新所採錄仍命邑庠于子繩尺張子鎰更爲校繕五越月而書成夫邑之有志所以昭今古別淑慝而垂世教者也是志也非史之遺意乎政治可徵也民俗可驗也則夫信後世

通許縣志

原序

七

示勸戒返淳龐悉於斯志焉賴之則通許之志之爲也而豈徒然哉且河南爲天下腹心河嶽間氣之鍾固文獻之淵藪而通許密邇汴城其人文風物之盛當不劣於他邑然自今日觀之不能無少變焉古云風俗不常美亦不常弊善焉惡焉惟人是繫其轉移之機將不存乎其人耶余蒞斯土每以曠官爲懼因思所以治是邑者在興學重農節財蓄力崇禮教以風澆俗而以身先之是故蚤夜圖維於前政之有遺愛於民者景仰取法以求免口素之誦若夫士復其良民還其樸使風俗歸于淳美以匹休於昔日則又未必不自觀斯志而感發興起矣吾士民尚相與圖諸

通許縣志原序

李 枝 大果

夫國有志尚矣九邱之載無考焉禹貢職方載而不備斯王府之藏非列國之籍也秦兼天下圖籍盡歸咸陽蕭何入關獨先收此故漢祖接圖調發咸得其宜五載之中遂定天下志豈小補云乎哉我國家之建制也朝廷有一統志省有通志以及郡州縣各有志剔浮摺實褒貶昭著史之大義存焉通許之舊志久而湮滅邑人韓玉纂集未成淹沕捐逝今陳侯興去籍之嘆勤起塵之心聘邑望張君公薦劉君醇淑以襄厥事五越月而告成焉夫仰觀俯察揭星分野麗光於上覆圖於下述天文志第一邱陵山澤

通許縣志

原序

十二

高深險阻通氣蒸雲域民所輔述山川志第二利達五服維屏維翰親疎異等小大珠貫述封域志第三王公設險有依則久捍外衛內金湯斯守述城池志第四地道變盈陸谷易遷制因代異政以人宣述沿革志第五負版者式牧羊者良滋息則褒流日怠荒述戶口志第六安土治民移風易俗陰以持盈陽以發育述禮樂志第七任土作貢則壤成賦輸納有經寬嚴有度述食貨志第八選錢留犢前史美稱作頌興謠代有令名述宦蹟志第九地靈人傑化行俗美聞風則興成章有斐述人物志第十天地正氣磅礴布流浩然之體何物不由述忠節志第十一明揚側

圖碑乃鄉閭文學孝廉各有攸宜述選舉志第十二
續著位以才充殊錫異數有沾卽榮述恩典志第十三
斷
禡增慕遺文興思弔之則嘯仰之則祠述古蹟志第十四
五氣錯綜常變靡一禎祥妖孽應物而出述祥異志第十
五孔徵文獻班序藝文言之不文何以永存述詞翰志第
十六斯志也自天文至詞翰蓋十六則云考覈精當約省
要實事類者附義乖者黜不有史才何以臻茲取其志而
觀之則兵食之多寡豐嗇山川之平夷險阻一覽在目守
戰愛養之力可以坐策矣豈曰小補云乎哉陳侯陝西之
富平人名正字宗儒別號北泉鄉進士也方正不阿廉公

通許縣志

原序

十三

有威監司者已薦之廟堂矣力成斯志以補時政之缺云

修志姓氏

纂修

通

許縣知

縣

阮龍光

江西建人

編輯

通

許縣書院掌

教邵自祐

順天大興人

參閱

通

許縣儒學教

諭喬瑞璋

武陟人

通

許縣儒學訓

導王午基

登封人

督刊

署

通許縣典

史蕭鵬振

廣東嘉應人

通許縣志

姓氏

十四

通

許縣典

史梁五岳

廣東順德人

公訂

已

卯科舉

人負映第

邑人

經理

廩

膳

生

員陳澄

邑人

書院肄業附學生

員馬昶

邑人

校字

書院肄業廩膳生

員段碧映

邑人

書院肄業附學生

員孫亮

邑人

書院肄業附學生

員張汾

邑人



書院肄業附學生員張偉邑人

書院肄業附學生員孫毓秀邑人

書院肄業童生劉雲邑人

採訪

貢 生婁日誠邑人

貢 生王哲邑人

廩 膳 生員翟志仁邑人

廩 膳 生員景肇修邑人

廩 膳 生員賀景星邑人

增 廣 生員王正中邑人

通許縣志

姓氏

五

增 廣 生員汪大有邑人

附 學 生員韓潮邑人

國 學 生員司荆牧邑人

錄寫

書院肄業附學生員康大睿邑人

書院肄業附學生員崔雲路邑人

舊志纂修姓氏

正德志

邑人山東鄒城縣知縣韓玉創修

嘉靖癸丑志

纂修知縣陳正編輯邑人山東臨清州知州張瑤山西

平陽府同知劉崇儒

順治戊子志

纂修知縣賈待旌編輯邑人湖廣鄖陽府推官王章

餘姚生員胡斌

康熙庚午志

通許縣志

卷之一

姓氏

六

纂修知縣吳燾編輯邑人揀選知縣舉人張正舉人

榮先

雍正戊申志

纂修知縣王應佩編輯教諭韓鼎邑人進士景